

ՀՀ ԼՈՌՈՒ ՄԱՐԶԻ  
ՍՏԵՓԱՆԱՎԱՆ ՀԱՄԱՅՆՔ



2024 ԹՎԱԿԱՆԻ ԲՅՈՒՋԵԻ  
ՆԱԽԱԳԻԾ

ՀԻՄՆԱՎՈՐՈՒՄ

ՍՏԵՓԱՆԱՎԱՆ ՀԱՄԱՅՆՔԻ 2024 ԹՎԱԿԱՆԻ ԲՅՈՒՋԵՆ ՀԱՍՏԱՏԵԼՈՒ ՄԱՍԻՆ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ

Ստեփանավան համայնքի 2024 թվականի բյուջեի հաստատման որոշման նախագիծը մշակվել է հիմք ընդունելով Ստեփանավան համայնքի 2024-2026 թվականների զարգացման ծրագիրը և առաջնորդվելով «Տեղական ինքնակառավարման մասին» օրենքի 18-րդ հոդվածի 1-ին մասի 5-րդ կետի և «Հայաստանի Հանրապետության բյուջետային համակարգի մասին» օրենքի 32-րդ հոդվածի, 33-րդ հոդվածի 3-րդ մասի պահանջների համապատասխան, որի ձևավորման հիմքում ընկած են խնայողականությունը, հաշվեկշռվածությունը, արդյունավետությունը և հստակությունը:

Համայնքի բյուջեի կառուցվածքը տեղական ինքնակառավարման մարմինների կողմից իրականացվող լիազորությունների և դրանց համապատասխանության ապահովման անհրաժեշտությունից ելնելով բաժանվում է վարչական և ֆոնդային մասերի: Եկամտային կանխատեսումներն ու ծրագրավորումները իրականացվում են յուրաքանչյուր մասերի համար առանձին: Համայնքի բյուջեի պլանավորումն իրականացվել է համեմատական մեթոդով, որի ժամանակ հիմնվել ենք վերջին երեք տարիների ընթացքում փաստացի համայնքային բյուջե մուտքագրված եկամուտների հոսքի և առկա բազաների հիման վրա: Բյուջեն պլանավորված է նպաստելու համար համայնքի համաչափ և կայուն զարգացմանը, բարեկարգ, հարմարավետ և մատչելի միջավայրի ձևավորման շարունակականության ապահովմանը, համայնքային ոչ առևտրային կազմակերպությունների արդիականացմանը, բնակչության կենսական շահերի ապահովմանը:

Ստեփանավան համայնքի 2024 թվականի բյուջեի նախագծում (այսուհետ՝ նախագիծ) եկամուտների և ծախսերի ընդհանուր գումարը ծրագրվել է 1 872.918.107 դրամ, դեֆիցիտը (պակասուրդը)՝ 0.0 հազար դրամ:

**1. Բյուջեի եկամուտների կանխատեսում**

Ստեփանավան համայնքի 2024 թվականի բյուջեի վարչական մասի կանխատեսված եկամուտների ընդհանուր գումարը ծրագրվել է 933114.607 դրամ, գերազանցելով նախորդ տարվա պլանավորված բյուջեն 21.86 %-ով, որը կազմել է 729072.074 դրամ:

Նախագծով նախատեսված եկամուտների ընդհանուր ծավալում սեփական եկամուտները կազմում են 287050.300 դրամ՝ 2023 թվականի հաստատված 310514.074 դրամի դիմաց:

Նախագծով նախատեսված եկամուտների հիմավորումը և համեմատական վերլուծությունը առավել հստակ կլինի դրանք առանձին եկամտատեսակների տեսքով ներկայացման պարագայում:

Մասնավորապես.

1) Հարկեր և տուրքեր.

Գույքային հարկերը ծրագրվել են 158370.400 դրամի չափով կամ 2023 թվականի հաստատված ցուցանիշից 7742.800 դրամ կամ 4.9 %-ով ավել: 2024 թվականի հարկային եկամուտները ծրագրվել են հիմքում ունենալով 2023 թվականի կատարողականը, համայնքում հարկերի հավաքագրման համար իրականացվող միջոցառումների հետևողականությունը և արդյունավետությունը: Հարկային եկամուտները ծրագրելիս հաշվի են առնվել առկա ապառքները և 2023 թվականի հաշվարկային ցուցանիշները: Հարկային եկամուտների կանխատեսվող աճը պայմանավորված է հարկերի բազաների ճշտումների արդյունքից, ինչպես նաև համայնքում նոր գրանցված փոխադրամիջոցների հարկից:

Տեղական տուրքերը ծրագրվել են 12050.000 դրամի չափով:

Պետական տուրքերը ծրագրվել են 8000.000 դրամ՝ 2023 թվականի համար հաստատված ցուցանիշը գերազանցելով 1000.000 դրամով, որից՝ քաղաքացիական կացության ակտեր գրանցելու հետ կապված համապատասխան գործարքներից՝ 3000.000 դրամ, նոտարական գրասենյակի կողմից նոտարական ծառայությունների հետ կապված համապատասխան գործարքներից՝ 5000.000 դրամ:

2) Պաշտոնական դրամաշնորհներ.

Հիմք ընդունելով Հայաստանի Հանրապետության 2024 թվականի պետական բյուջեի նախագծով նախատեսված ցուցանիշները՝ Հայաստանի Հանրապետության պետական բյուջեից ֆինանսական համահարթեցման սկզբունքով տրամադրվող դոտացիաները նախագծով ծրագրվել են 641014.900 դրամ՝ 2023 թվականին նախատեսված գումարի համեմատ ավելացել է 35.8 %-ով կամ 229467.200 դրամով, իսկ պետական բյուջեից տրամադրվող նպատակային հատկացումները (սուբվենցիաներ) պլանավորվել են հիմք ընդունելով 2023 թվականին հաստատված գումարները:

3) Այլ եկամուտներ.

2024 թվականի ծրագրով այլ եկամուտները նախատեսվել են 110628.947 դրամ՝ 2023 թվականի ճշտված բյուջեով նախատեսված 142245.500 դրամի դիմաց: Այլ եկամուտները իրենց մեջ ներառում են հողի և գույքի վարձակալությունից եկամուտները, վարչական գանձումները (նախադպրոցական և արտադպրոցական կազմակերպություններում համայնքի կողմից մատուցված ծառայությունների դիմաց փոխհատուցման գումարներ), տեղական վճարները (աղբահանություն), մույժերը, տուգանքները, պետության կողմից տեղական ինքնակառավարման մարմիններին պատվիրակված լիազորությունների իրականացման ծախսերի ֆինանսավորման համար պետական բյուջեից ստացվող միջոցները և այլ եկամուտներ:

## 2. Բյուջեի ծախսերի կանխատեսում

Ստեփանավան համայնքի 2024 թվականի բյուջեի նախագծով ծախսերի ծավալը ծրագրվել է 1872918.107 դրամի չափով: Ծախսերի ամբողջ ծավալի շուրջ 49.8 %-ը կամ 933114.607 դրամը բաժին է ընկնում ընթացիկ ծախսերին (վարչական բյուջե), 1009803.500 դրամը՝ ոչ ֆինանսական ակտիվների գծով ծախսերին (ֆոնդային բյուջե), իսկ ոչ ֆինանսական ակտիվների իրացումից մուտքերի գումարը կազմում է 260000.000 դրամ, որը կփոփոխվի տարեվերջի մնացորդը ճշտվելուց հետո: Աշխատողների աշխատավարձեր և հավելավճարներ հողվածով 2023թ. Նախատեսված 141892.903 դրամի փոխարեն 2024թ. նախատեսվել է 184840.000 դրամ: 2024թ.

Հաստիքացուցակներով հաստիքային միավորները կազմել են 64.5՝2023թ.ի 61.5-ի փոխարեն: Նախագծով առաջարկվող բյուջետային ծախսերում 27.0 %-ը բաժին է ընկել «Ընդհանուր բնույթի հանրային ծառայություններ» ոլորտին, 12.2 %-ը՝ «Տնտեսական հարաբերություններ» ոլորտին, 5.7 %-ը՝ «Շրջակա միջավայրի պաշտպանություն» ոլորտին, 40.6 %-ը՝ «Բնակարանային շինարարություն և կոմունալ ծառայություն» ոլորտին, 21.3 %-ը՝ «Հանգիստ, մշակույթ և կրոն» ոլորտին, 14.9 %-ը՝ «Կրթություն» ոլորտին, 5.7 %-ը՝ «Սոցիալական պաշտպանություն» ոլորտին, 5.7 %-ը՝ «Հիմնական բաժիններին չդասվող պահուստային ֆոնդեր» ոլորտին: Պահուստային ֆոնդը նախատեսվել է վարչական բյուջեի եկամուտների 12.5 %-ի չափով՝ ապահովելով «Հայաստանի Հանրապետության բյուջետային համակարգի մասին» օրենքի 29-րդ հոդվածի պահանջները:

Ստորև ներկայացվում են համայնքի 2024 թվականի բյուջեի նախագծով ծրագրվող ծախսերի սկզբունքներն ու հիմնավորումները՝ ըստ ծրագրի:

1) «Համայնքապետարանի աշխատակազմի պահպանում» ծրագրով ծախսերը նախագծում ծրագրվել են հիմնականում հաշվի առնելով գործող օրենսդրական պահանջները և խորհրդատվական բնույթ կրող նորմատիվները: Նախորդ տարվա համեմատ պահպանման ծախսերը ավել են պլանավորվել 14.2 %-ով՝ հիմք ընդունելով խորհրդատվական բնույթ կրող նորմատիվները, ինչպես նաև կատարվել է աշխատավարձի բարձրացում 10%-ով : Ոլորտի մյուս ծրագրերում էական փոփոխություններ չեն կատարվել, ծախսերը պլանավորվել են հաշվի առնելով վերջին երեք տարիների փաստացի ցուցանիշները:

Համայնքային ոչ առևտրային 10 կազմակերպությունների պահպանման համար նախատեսվել է 546705.310 դրամ՝ նախորդ 415912.300 դրամի դիմաց: ՀՈԱԿ- ներում նույնպես կատարվել է աշխատավարձի բարձրացում 10%-ով:

2) Բարեկարգ, հարմարավետ և մատչելի միջավայրի ձևավորման համար համայնքում ծրագրվել են կատարելու հետևյալ կապիտալ աշխատանքներ սուբվենցիոն ծրագրերով՝

2.1 ՀՀ Լոռու մարզի Ստեփանավան համայնքի կարիքների համար տեխնիկայի ձեռք բերում: Աշխատանքների նախնական արժեքը 180400.000 դրամ է, որից համայնքի մասնաբաժինը կազմում է 99220.000 դրամ ,

2.2 Նախատեսվում է ՀՀ Լոռու մարզի Ստեփանավան համայնքի Արմանիս, Ուրասար և Կաթնաղբյուր բնակավայրերի ջրամատակարարման ցանցերի կառուցում: Աշխատանքների նախնական արժեքը 477450.000 դրամ է, որից համայնքի մասնաբաժինը կազմում է 143235.000 դրամ ,

2.3 ՀՀ Լոռու մարզի Ստեփանավան համայնքի բազմաբնակարան շենքերի բակերի, թիվ 1,3,4 մանկապարտեզների բակերի, քաղաքի և վարչական տարածքների պուրակների բարեկարգում և հիմնանորոգում : Աշխատանքների ընդհանուր արժեքը 344826.000 դրամ է, որից համայնքի մասնաբաժինը կազմում է 189654.300 դրամ,

2.4 Շարունակվում է Ռումինական բազմաբնակարան շենքերի էներգաարդյունավետության արդիականացման ռիսկերի նվազեցման նպատակով կատարվող աշխատանքները : 2024թ. նախատեսվում է վերանորոգել 6.8.12.14.20 շենքերը ընդհանուր 251517.500 դրամով, որից՝ համայնքի մասնաբաժին 125.758.750 դրամ:

Համայնքի բյուջեի նախագիծը համարվում է նորմատիվ իրավական ակտ: